

EDINAM ISAIHAH ASANA

Isaiah 6:1-13

QYQHỌ UKPEP-ÑKPỌ 350

Eke Ikpọ Owo

IKỌ IBUOT: “Mme ebe, ema iban mbufo, kpa nte Christ akamade ufok Abasi, okonyuñ ayakde Idem ọnọ ke ibuot esie; man enye akpada mmọñ ọkọrọ ye ikọ Abasi eyet ọkọp esie, anam enye asana; man akpada enye ọnọ Idem Esie nte ufok Abasi emi ọyọhọde ye ubọñ, minyuñ inyeneken ntoi mme eriñwine mme oruk ñkpọ eke etiede ntre; edi man enye asana onyuñ anana ndo” (Ñwed Mbon Ephesus 5:25-27).

I Ñkukut Isaiah Ke Abaña Abasi Ita Ke Kiet

1. Isaiah ama okut ñkukut ke ema ekekot enye nte anditiñ ntiñ-nnim ikọ, ke ama ọkọbọ utebe-ikpe nte owo Abasi, Isaiah 6:1; 1:1
2. Ñkukut oro okoto andikoñ-ñkan ye edisana Abasi Ita ke Kiet, Isaiah 6:1-3, 6; John 12:41; Utom Mme Apostle 28:25; Eriyarare 4:1-11; 5:6; Ezekiel 1:1-28; Psalm 72:19
3. Se ñkukut emi ọkọwọrọde ama ebe ifiok owo ke uwem emi, Isaiah 6:4; Exodus 40:34, 35; I Ndidem 8:10, 11

II Nte Isaiah Okokutde Idem Esie, Oto Ke Edinam Enye Asana

1. Ñkukut edisana Abasi ama anam Isaiah okut nda-mmana idiok ido ye idiok itie esie, Isaiah 6:5; Exodus 33:20; Luke 5:8; Matthew 5:8; Mme Hebrew 12:14
2. Ema enam Isaiah asana ke ini ikañ ukañ okotukde mkpọk-inua esie, Isaiah 6:5-7; Psalm 51:2, 7; Ezekiel 36:26

III Ikot Isaiah Ye Utom Emi Ekedoñde Enye

1. Isaiah ama enyene ñwọrọ-nda ikot akwa utom emi eketienede edinam-asana esie, Isaiah 6:8; Genesis 17:1-22
2. Edinyime ndiyak idem nnọ akanam Abasi ọnọ Isaiah utom emi, Isaiah 6:8-13; Exodus 3:1-10; 1 Ndidem 19:19-21; domo ye 2 Ndidem 3:11, 12; Utom Mme Apostle 13:2.

SE EKPEPDE EBAÑA

Ñkukut Ye Se Enye Ekpepde

Mme ukpep-ñkpọ emi enode ke ñkukut Isaiah ewak, kiet ke otu mmọ edi ediyarare akakan edisana Abasi Ita ke kiet. Ekut ete Abasi ita edu ke kiet, koro Isaiah ama okut Ọbọñ onyuñ okop mme ñkpọ uwem ekomde Enye ikata nte andinam kpukpru ñkpọ. Mmọ emi Abasi afakde eyeda ukem mfiori itoro emi eka ke iso ebekpo Abasi ke ini Akwa Ukut edidade itie ke isọñ (Eriyarare 4:8; 5:8-10). Idighe ke ndudue ke ikpehe mfiori ita emi enyene kiet-kiet ke otu mbuot Abasi ita ke kiet koro Abasi inamke ndudue, ndien emi inyuñ idighe ñkukure se etiñde ebaña ñkukut Isaiah emi ayararede Mbuot Abasi ita ke kiet.

Abasi Ete ama odu, koro kpukpru ini esinimde Enye nte anditie ke Ebekpo ke Heaven. Idahemi Christ etie ke ubok nnasia Ebekpo, ndien Edisana Spirit odu ke ererimbot, Enye “eyemen ifiok abaña idiok-ñkpọ, ye edinen ido, ye ikpe, otuk ererimbot esit” (John 16:8). Edi John Edima ewet ete ke ini Isaiah okokutde Ọbọñ, enye okokut Jesus! (Se ke John 12:37-41). Ndien ke Utom Mme Apostle, nnyin ikot ite ke Edisana Spirit ama etiñ ikọ ke ini oro! (Se ke Utom Mme Apostle 28:25-27). Mme mfiori itoro ita emi ekenyene Mbuot Abasi ita ke kiet – Abasi Ete, Jesus Christ Eyen, ye Edisana Spirit.

Ke ndidian ke mme eriyarare emi, nnyin imokut ite ke ini Isaiah okokopde uyo Ọbọñ, enye ikokopke uyo otode ke kiet saña-saña, edi okokop uyo ediwak owo edianade kiet, koro Ọbọñ ọkọdọhọde ete: “Anie ke ndidọñ utom? Anie edinyuñ aka ñkpọ ọnọ **nnyin?**” Ema edoñ Isaiah utom nte asaña-utom nnọ Mbuot

Abasi ita ke kiet, edi utom emi ekedoñde enye okoto Abasi ita emi edianade kiet, oro edi ebuana emi owo mikemeke ndifiok ke ekikere obuk-idem. (Se John 17:21-23; Mme Hebrew 2:11).

Itie ukpep-ñkpọ emi ekpep nnyin ñko ete ke Edisana Abasi ita ke kiet odudu kpukpru ini ye ke nsinsi. “Edisana, edisana, edisana, Jehovah mme udim,” ekedi mfiori itoro, emi owutde ete ke ini oro Christ ekedi kiet ke otu mbuot Abasi ita ke kiet. Mmọ emi edoñde ete ke Christ okotoñ ndidu ke ini Enye akamanade ke Bethlehem enam ata akwa ndudue. Enye emi “ekewotde toto ke eritoño ererimbot” enọ uduot owo emi etakde (Eriyarare 13:8) sia “Enye odude uwem ke nsinsi ndinam mkpe-ubok nno mmọ” (Mme Hebrew 7:25).

Ekpep nnyin ñko ete ke itoro ye ukpono ke ata akwa idaha eke ofoñde edot ndinyene Abasi nnyin, ndien nnyin inyene ndino Enye nte odotde. Mme ata ñkoñkoñ mmọ emi edade ke Ebekpo efuk iso mmọ ye ukot ke ukpono, kpukpru ini ke etoro Abasi ke ofuri ukeme mmọ. Edieke mmọ oro Abasi obotde emi minamke idiok-ñkpọ edade ke iso Abasi andikpon ñkan enamde ntre, didie ndien ke nnyin emi ema ekedep ke oşoñ-urua Iyip ikpanam. Nnyin ikpenyene ndino Enye itoro nnyin, erituak-ibuot nnyin, nsotoñ-nda nnyin, utom nnyin—kpukpru ñkpọ nnyin – ke ata ntotoño-ntotoño nsuhore-idem. Ndisana ñkpọ emi etoro Enye kpukpru ini— mmọ emi akananam mifiokke idiok-ñkpọ, ndien ke ntak emi ima Abasi iyakere ino mmọ ke abaña mfon erifak Esie. Nnyin ikpenyene nditoro Enye ñkan, koro nnyin imokut ima oro, mfon oro ye mbom oro asañade etiene nnyin ke usen ke usen ke uwem nnyin.

Edinam Isaiah Asana

Isaiah ekedi owo Abasi ke ini emi enye okokutde ñkukut emi. Enye ama ebebem iso edi anditiñ ntiñ-nnim ikọ eke Abasi. Mme anditiñ ntiñ-nnim ikọ eke Abasi ekedi ndisana owo, ndien sia Isaiah mikobohọ edinam-asana ofuri-ofuri mbemiso ini emi, ema enam enye asana nte edide ye kpukpru mmọ emi ema ekebo utebe-ikpe ke akpanikọ. Edi ama odu ini kiet, nte Isaiah okofioke, nte edide ñko ye kpukpru anditiene-Christ emi enyenede utebe-ikpe ke akpanikọ, nte enye asañade ke uñwana, ke ini edoñde edinam-asana enọ enye ke nnen-nnen usuñ, ema enam esit esie asana ofuri-ofuri ke idaha kiet. Edisana-ido eke ebatde enọ owo oto ke mfon Abasi, eyenyene enye adaña ini nte enye minyeneke uñwana eke okponde mme ifet ndibon akam mbom enọ edinam-asana emi enode oto ke enọ mfon Abasi, kpa Jesus Christ ye Iyip Esie emi ekeduokde— ke ini edinam-asana ofuri-ofuri.

Ke ini Isaiah ama okokut idaha esie ke akpanikọ ke iso Abasi ye edisana Abasi nte ayararede ke iso esie, enye ofiori ke ata unana idorenyin: “Mbom mi! Koro mmakpa: koro ami ndide owo edidehe mkpok-inua, ... koro enyin mi okutde edidem, Jehovah mme udim.” Edikut uyai ye mfon-mma eke odude ke nsinsi Mbuot Abasi ama anam enye okut ata nnen-nnen idaha esie. Ema enam enye ofioke ete enye okosuk enyenyene nda-mmana uduot idiok-ñkpọ emi enyenede ndisio mfep. Enye ama okut ata unana ukeme esie. Edikut idem esie, nte enye okokutde ama anam edi mmem-mmem onọ Abasi ndinam utom ediyet asana emi ekotde, edinam-asana ofuri-ofuri, ke esit esie.

Ofon nnyin ndikut idem nnyin nte Abasi okutde nnyin. Ke nnyin inamde ntre, nnyin itua iseme ikot Abasi ye esit mfuhọ. Do ndien ke Abasi ekeme ndinam se Enye amade nno nnyin. Eda ikọ Abasi edomo ye ukut-iso. Nnyin ikpenyene ndise ukut-iso kpukpru ini, ye akam ke esit nnyin man nnyin ikpekeme ndikut ata mbiet idem nnyin do. Mme owo kiet-kiet emi mibohọ edinam-asana enyene ndisoño nyire, “Koro emi edi uduak Abasi, ete mbufo ekpekabare esana” (1 Nwed Thessalonica 4:3). Ndien nnyin emi ima ikobọ ata eti ifioke imekeme ndinyene ufon ke ndida Ikọ Abasi nduñore idem, koro nnyin inyene ndinam idem nnyin asana kpa nte Enye asanade, ndien ika iso “ototoñde ke mbuotidem” osim ke mbuotidem, onyũ ototoñde ke ubon osim ke ubon, tutu nnyin ikut Enye nte Enye etiede inyũ ikabare ibiet Enye oto ke utibe mfon Esie.

Ke Efe-esop ke ison, ikañ emi okodude ke itie-uwa okpoho edi se ekedomode ke utibe usuñ, ndien ekeda mme ukañ ikañ emi otode ke itie-uwa okpoho eduk ke Edisana Ebiet enyũ enim ke itie-uwa ufop incense o-gold, nsuñ-ikañ onyũ oto do aka iso odok etiene Abasi. Emi ekedi mbiet edinam-asana ofuri-ofuri. Ndien kiet ke otu mme Seraphim ada mbubek ikañ ke itie-uwa, otuk Isaiah ke mkpok-inua, onyũ odohọ ete ke “omonyũ osio isop idiok ido fo.” Ke ntre ekeme nditim ntiñ nte owo ekekeme, ete ke Isaiah ama obọ edinam-asana.

Edinam-asana Isaiah ikedighe nsit-nsit. Edi akayarade ọnọ enye idaha kiet. Enye ikọkọrike suñ-suñ ikesim idaha edinam-asana, ndien okut nte nda-mmana idiọk-ńkpọ osopde ke uwem esie nsit-nsit. Ke ntọi ńkanika kiet, Isaiah okut idem esie nte edidehe owo, ndien ke ntọi efen enye okop uyo seraphim ọdọhọde ete ke ema eyet enye enyuñ enam edi edisana. Edinam-asana edi utom emi eyetde esit owo asana oto ke mbuotidem ke enye ama akayak idem esie, uwem esie, ukpọn ye spirit esie ọyọhọ-ọyọhọ ke ndiyom enọ mfọn oro.

Iyekut ite mbubek ikañ emi emende esio ke itie-uwa ekedi idiọnọ **ikañ edinam-asana** eke Edisana Spirit, edi idighe **odudu** uduọk-mmọn Edisana Spirit ye ikañ. Ndutime esiwọrọ oto mme owo emi edomode ndifaña uduọk-mmọn Edisana Spirit nte edide ńwọrọ-nda ọyọhọ enọ mfọn ita eke owo Abasi. Ema enam Isaiah asana, oro edi, ema emen ukwañ-ńkpọ esie efep enyuñ esio idiọk-ńkpọ esie ke ini mbubek ikañ oro okotukde mkpọk-inua esie. Edisana Spirit ikọnọhọ enye odudu ke ini oro ke ukem ifiọk nte emi owo ọbọde odudu ke ama ọkọbọ Eñwọnọ emi Ete ọkọnwoñode. Se Isaiah okokutde ekedi utom ediyet nnyuñ nsana eke Edisana Spirit. Enye edi edida Iyip nyet asana, kpa mbubek ikañ emi eyetde anam asana, emi anamde nnyin ibeñe idem ndibọ Edisana Spirit emi edinọde nnyin odudu Esie ọyọhọ-ọyọhọ. Enọ nnyin odudu emi ke ini nnyin ibọde ọyọhọ akwa enọ ita eke Nditọ Abasi, kpa uduọk-mmọn Edisana Spirit.

Isaiah ama ọbọ edinam-asana, ibọhọke ke usen Pentecost ikpọn ke ekeyak uduọk-mmọn Edisana Spirit enọ mme owo ke akpa ini. Iberedem ikekemeke ndidi ibọhọke tutu Jesus ọdọk ke enyọn, ke ntre baba owo kiet ke otu mme ndisana owo ke Akani Ediomi ikọbọhọ uduọk-mmọn Edisana Spirit. Edi ata ediwak ndisana owo ke Akani Ediomi ema ebọ edinam-asana enyuñ etiñ ikọ-ntiense ebaña akpanikọ oro ke ndisaña ke ererimbot ke ata edisana uwem emi suk mmọ emi ebọde edinam-asana ekemedede ndifiọk.

Utom Emi Ekedọnde Isaiah

Abasi okot kpukpru owo. Ibat-ibat owo eyere ikot Abasi, ndien Abasi emek mmọ, ndien nte mmọ esinde ifik esaña ke usuñ Abasi, mmọ edi mme anam-akpanikọ (Matthew 20:16; Eriyarare 17:14). Ndusuk mmọ emi eyerede ikot Abasi enyuñ ebọde erinyaña edi mmọ emi Enye okotde onyuñ emekde ọnọ mme akpan utom Esie (1 ńwed Corinth 12:28; ńwed Mbon Ephesus 4:11-13). Ekekot Isaiah nte anditiñ ntiñ-nnim ikọ eke Abasi mbemiso enye ọbọ edinam-asana, edi ke ema ekeyet nda-mmana idiọk-ńkpọ esie, utom esie aka iso ọsọnọ ndien ekedọn enye saña-saña utom ebaña mfiak-edem Israel.

Ekenọ Isaiah ata akpan etop ada ọsọk mme owo, man mmọ ekuka iso ke usuñ mmọ, man ekim ye ufin editiene mmọ. Ekedọn enye ata akpan utom enyuñ ebeñe enye idem saña-saña enọ utom emi. Mme ńwed efen emi ewetde ntiñ-nnim ikọ esie eneñere etie ntiense ete ke enye ama anam akpanikọ ke ikot esie ọnọ oruk esie. Eyarare akakan ye mme utibe-ńkpọ enọ nnyin oto ke etop emi enye ke nda-usuñ Edisana Spirit adade ọsọk nnyin oto ke Abasi. Ewet enyene-ndik ubiere-ikpe ye ata idiọk utip emi otode ke ntak idiọk ńkpọ, ye nsọn-ibuot ye Abasi, esin ke ńwed Isaiah. Ema ekot enyuñ emek enye, enye onyuñ anam akpanikọ tutu osim mkpa esie.

MME MBUME

1. Siak mme akpan ńkpọ emi ekpepde nnyin ebaña Abasi oto ke ńkukut Isaiah.
2. Nnyin isaña didie idiọnọ ito ke itie edikot ńwed emi ye ke mme itie efen ke ńwed Abasi, ite ke Owo ita edu ke mbuot Abasi kiet?
3. Nso ke Abasi ndisuhọre ndidu ke Itie-ukpono ke Idemesie akanam?
4. Nso ke ńkukut oro akanam ke idem Isaiah?
5. Nso ke Seraphim akanam onyuñ etiñ ndibọrọ ikọ emi Isaiah eketiñde abaña idem esie?
6. Nnyin inam didie ifiọk ite ke Isaiah ama ọbọ edinam-asana ke ini emi?
7. Nnyin inam didie ifiọk ite ke Isaiah ikọbọhọ uduọk-mmọn Edisana Spirit ke ini emi?